

萬 有 文 庫

第 二 集 七 百 種

王 雲 五 主 編

漢 書 補 注

(四十四)

王 先 謙 補 注

商 務 印 書 館 發 行

漢書補注

(四十四).

王先謙補注

國學基本叢書

王雲五主編
萬有文庫
第二集七百種
漢書補注
四十四冊

中華民國二十六年三月初版

補注者

王

先

謙

發行人

王

上海河南路

五

印刷所

商

上海河南路

館

發行所

商

上海及各埠

館

王莽傳第六十九中

漢書九十九

漢 蘭 臺 令 史 班 固 撰

唐正議大夫行祕書少監琅邪縣開國子顏師古注

賜進士出身前翰林院編修國子監祭酒加三級臣王先謙補注

始建國元年。〔補注〕先謙曰。顧炎武云。苟悅漢紀記莽事。自始建國元年以後。則云其二年。其三年。以至其十五年。以別於正統。而盡沒其天鳳地皇之號。正月朔。〔補注〕先謙曰。莽以十二月爲歲首。此不與其改正朔。莽帥

公侯卿士奉皇太后璽韍。師古曰。韍謂璽之組。音弗。〔補注〕王先謙曰。元后傳。韍作紱。字通。先謙曰。官本南監本注。在上太皇太后下。上太皇太后順符命去漢號焉。初、

莽妻宜春侯王氏女立爲皇后。師古曰。王訴爲丞相。初封宜春侯。傳爵至孫咸。莽妻咸之女。本生四男。宇獲、安、臨。二子前誅死。安頗荒忽。師古

師古曰。辟。君也。謂之辟者。取爲國君之義。音壁。

曰荒音呼廣反。迺臨爲皇太子。安爲新嘉辟。師古曰。辟。君也。謂之辟者。取爲國君之義。音壁。封宇子六人。千爲功隆公。壽爲功明公。吉爲功

成公。宗爲功崇公。世爲功昭公。利爲功著公。大赦天下。莽迺策命孺子曰。咨爾嬰。昔皇天右迺太祖。師古

曰右讀曰佑。佑助也。歷世十二。享國二百一十載。歷數在于予躬。詩不云乎。侯服于周。天命靡常。師古曰。大雅文王之詩也。言殷之後嗣。乃爲諸

侯服事周室。是天命無封爾爲定安公。永爲新室寶。於戲。師古曰。於戲。音曰嗚呼。敬天之休。師古曰。休。美也。往踐迺位。毋廢予命。又

曰。其呂平原。安德。澤陰。鬲。重丘。凡戶萬。師古曰。五縣也。澤。音它合反。鬲。音與隔同。〔補注〕先謙曰。一統志。平原故城。在今濟南府平原縣南。安德故城。今陵縣治。澤陰故城。在臨邑縣西。鬲縣故城。在德州

北。重邱故城。在德州東。官本。地方百里。爲定安公國。立漢祖宗之廟於其國。與周後並。〔補注〕先謙曰。並。謂齊同。行其正朔

服色。〔補注〕先謙曰。胡注。此皆空言。世世呂事其祖宗。永呂命德茂功。享歷代之祀焉。〔補注〕先謙曰。命名字通。呂孝平皇后

爲定安太后。讀策畢。莽親執孺子手。流涕歔歔。師古曰。歔。音虛。歔。音許氣反。曰。昔周公攝位。終得復子明辟。今予獨迫

皇天威命。不得如意。哀歎良久。中傅將孺子下殿。〔補注〕先謙曰。官本考證云。後書注引前書音義。中傅。宦者也。北面而稱臣。百僚陪位。莫

不感動。又按金匱。輔臣皆封拜。〔補注〕先謙曰。哀章所獻金匱圖。金策書也。呂太傅左輔驃騎將軍安陽侯王舜爲太師。封安新

公。〔補注〕宋祁曰。驃字當去旁馬字。大司徒就德侯平晏爲太傅。就新公。少阿義和京兆尹紅休侯劉歆爲國師。嘉新公。

〔補注〕宋祁曰。少阿。晉灼音義作少阿。阿訓阿。取阿衡一字也。音依倚之倚。李奇音奇。紅休。南本作林。廣漢梓潼哀章爲國將。美新公。是爲四輔。位上公。太保後承

承陽侯甄邯師古曰承陽音烝補注宋祁曰承南本作丞先謙曰官本南監本後承之承作丞注烝下有陽字竝在承新公下爲大司馬承新公丕進侯王尋爲大司徒章

新公步兵將軍成都侯王邑爲大司空隆新公是爲三公大阿右拂大司空衛將軍廣陽侯甄豐師古曰拂

讀曰弼補注先謙曰官本南監本注在廣新公下爲更始將軍廣新公京兆王興爲衛將軍奉新公輕車將軍成武侯孫建爲立國

將軍成新公京兆王盛爲前將軍崇新公是爲四將凡十一公補注先謙曰四輔三公四將爲十一公王興者故城門令史

補注先謙曰胡注城門令史事城門校尉掌文書王盛者賣餅莽按符命求得此姓名十餘人兩人容貌應卜相徑從布衣登用呂

視神焉師古曰視讀曰示餘皆拜爲郎是日封拜卿大夫侍中尙書官凡數百人諸劉爲郡守補注先謙曰通鑑守下有者字皆

徙爲諫大夫改明光宮爲定安館定安太后居之呂故大鴻臚府爲定安公第補注宋祁曰邵本無故字新本添皆置門

衛使者監領敕阿乳母不得與語補注王念孫曰阿下當有保守謂敕阿保及乳母也李尋傳云諸保阿乳母史傳皆以阿保並言若云敕阿乳母則於文爲不詞於事爲不備矣漢紀孝平紀正作敕阿保乳母

常在四壁中孟康曰令定安公居四壁中不得有所見至於長大不能名六畜後莽呂女孫宇子妻之莽策羣司曰歲星司肅東

獄太師典致時雨

應劭曰貌之不恭是謂不肅肅敬也厥罰常雨常雨水也故申戒厥任欲使雨澤以時也晉灼曰衆物生於東方故戒太師也〔補注〕先謙曰典主也獄字誤官本南監本皆作獄下同

青煒登平考

景日晷

服虔曰煒音暉如渚曰青氣之光輝也晉灼曰言青陽之氣始升而上以成萬物也春秋分立表以正東西東日之始出也故考景以晷屬焉

熒惑司愆南獄太傅典致時奧

應劭曰視之不明是

謂不愆愆智也厥罰常燠燠暑也晉灼曰南方盛陽之位太傅師尊之稱故戒之也師古曰奧音於六反〔補注〕先謙曰官本注盛陽作陽盛未有章昭曰司愆南方曰視君視明則臣聰愆十六字

赤煒頌平考聲呂律

晉灼曰頌

寬頌也夏假也物假大適宣平也六月陰氣之始故爲地統地之中數六六爲律律有形有色色尚黃故考聲以律屬焉師古曰頌讀曰容

太白司艾西嶽國師典致時陽

應劭曰言之不從是謂不艾艾安也厥罰

常陽陽旱也師古曰艾讀曰父白煒象平考量呂銓應劭曰量斗斛也銓權衡也晉灼曰象形也萬物無不成形於西方大小輕重皆可知故稱量屬焉

辰星司謀北嶽國將典致時寒

應劭曰聽之不聰是謂不謀謀圖也厥罰常寒晉灼曰北伏也陽氣伏於下陰主殺故戒國將

玄煒和平考星呂漏

應劭曰推五星行度以漏刻也晉灼曰和合也萬物皆合藏於北方水又主平故曰和平歷度起於斗分日月紀於

攝提攝提值斗杓所指以建時節故考星屬焉

月刑元股左司馬典致武應考方法矩

張晏曰月爲刑司馬主武又典天故使主威刑也

主司天文欽若昊天敬

授民時力來農事呂豐年穀

師古曰欽敬也若順也力來勸勉之也來音郎代反〔補注〕先謙曰力來猶勞來

日德元左右司徒典致文瑞考圓合規

張晏

曰日爲陽位晉灼曰肱圓也五教在寬則和氣感物四靈見象故文瑞屬焉師古曰肱古肱字〔補注〕先謙曰官本南監本注圓上肱作玄

主司人道五教是輔帥民承上宣美風俗五品

迺訓

師古曰五教謂父義母慈兄友弟恭子孝也五品即五常謂仁義禮智信

斗平元心中司空典致物圖考度目繩

張晏曰斗北斗也主齊七政司空主水土土爲中故貴之孟康曰易河出

圖洛出書司空主水土貴以其物也晉灼曰中央爲四季土土者信信者直故爲繩

主司地里平治水土掌名山川衆殖鳥獸蕃茂草木

〔補注〕先謙曰衆殖猶言繁育

各策

命曰其職如典誥之文

〔補注〕先謙曰言其餘衆職皆如之

置大司馬司允

師古曰允信也〔補注〕先謙曰官本南監本注併入下條在孤卿下

大司徒司直大司空

司若

師古曰若順也

位皆孤卿更名大司農曰義和後更爲納言大理曰作士太常曰秩宗大鴻臚曰典樂

〔補注〕

周壽昌曰桓譚爲莽掌樂大夫始即此官

少府曰共工

師古曰共音曰龔〔補注〕先謙曰官本注音作讀

水衡都尉曰予虞與三公司卿凡九卿分屬三公每

一卿置大夫三人一大夫置元士三人凡二十七大夫八十一元士分主中都官諸職

〔補注〕宋祁曰或無官字

更名

光祿勳曰司中太僕曰太御衛尉曰太衛執金吾曰奮武中尉曰軍正

〔補注〕劉攽曰中尉廢久此安得更名蓋是中壘校尉脫兩字周壽昌曰軍正

漢有此官但非莽所改耳

又置大贅官主乘輿服御物

師古曰贅聚也言財物所聚也音之銳反〔補注〕劉奉世曰贅讀如虎賁綴衣之綴沈欽韓曰立政綴衣傳云裳衣服〔案顧命出綴衣于庭傳云帷帳下云狄設

人公羊襄十六年傳君若贅旒然鄭取以解商頌綴旒則綴贅通用顏解爲贅聚謬先謙曰官本注音上有贅字

後又典兵秩

位皆上卿。號曰六監。改郡太守曰大尹。都尉曰太尉。

〔補注〕周壽昌曰：太尉亦漢舊制，但廢置不常，此則秩如漢都尉耳。

縣令長曰宰。御史曰執

法。公車司馬曰王路四門。長樂宮曰常樂室。未央宮曰壽成室。前殿曰王路堂。

服虔曰：如言路寢也。

長安曰常安。更

名秩百石曰庶士。三百石曰下士。四百石曰中士。五百石曰命士。六百石曰元士。千石曰下大夫。比二

千石曰中大夫。二千石曰上大夫。中二千石曰卿。車服黻冕各有差品。

師古曰：此黻謂衣裳之黻。

又置司恭司徒。

〔補注〕

劉敞曰：徒改從齊召南曰：案此司徒當作司從與聰明恭一例，舊本別本俱誤耳。

司明司聰司中大夫及誦詩工徹膳宰。司過策曰：予聞上聖欲昭

厥德，罔不慎修厥身，用綏于遠，是用建爾司于五事，毋隱尤，毋將虛。

師古曰：尤，過也。將，助也。虛，謂虛美也。言勿隱吾過而助爲虛美。〔補注〕王先慎曰：將，順也。

言毋將順其虛美也。

好惡不愆，立于厥中。

師古曰：愆，違也。

於戲勗哉。

師古曰：於戲讀曰嗚呼，勗，勉也。〔補注〕先謙曰：南監本無注。

令王路設進善之旌，非謗之木。

欲諫之鼓。

師古曰：非音曰誹。〔補注〕王念孫曰：欲當依景祐本及賈誼傳作敢。

諫大夫四人，常坐王路門，受言事者。封王氏齊縵之屬爲侯。大功

爲伯。小功爲子。總麻爲男。其女皆爲任。

師古曰：任，充也。男服之義，男亦任也。音王。

男曰睦。女曰隆。爲號焉。

師古曰：睦隆皆其受封邑之號，取嘉名也。

皆授

印韍。師古曰韍亦印之組次下並同。令諸侯立太夫人、夫人、世子，亦受印韍。又曰：天無二日，土無二王，百王不易之道也。

漢氏諸侯或稱王，至于四夷亦如之，違於古典，繆於一統。〔補注〕先謙曰：胡注：王大一統，王者有天下之號，諸侯及四夷稱之，非古也。其定諸侯王

之號，皆稱公，及四夷僭號稱王者，皆更爲侯。又曰：帝王之道，相因而通，盛德之祚，百世享祀，予惟黃帝

帝少昊、帝顓頊、帝嚳、帝舜、帝夏禹、皐陶、伊尹，咸有聖德，假于皇天。師古曰：假，至也。升也。音工雅反。功烈巍巍，光施于

遠。〔補注〕宋祁曰：施一本作化。予甚嘉之，營求其後，將祚厥祀。惟王氏、虞帝之後也，出自帝嚳、劉氏、堯之後也，出自顓

頊。〔補注〕先謙曰：官本考證云：案謂舜出于嚳，堯出顓頊，莽于是直誣古帝矣。於是封姚恂爲初睦侯，奉黃帝後。服虔曰：姚，舜姓，故封爲黃帝後。〔補注〕宋祁曰：字書恂，信也。音詢。梁護

爲脩遠伯，奉少昊後。服虔曰：以爲伯益之後，故封之。皇孫功隆公千，奉帝嚳後。劉歆爲祁烈伯，奉顓頊後。國師劉歆子疊

爲伊休侯，奉堯後。師古曰：上言紅休侯，劉歆爲國師嘉新公，今此云劉歆爲祁烈伯，又言國師劉歆子爲伊休侯，是則祁烈伯自別一劉歆，非國師也。〔補注〕宋祁曰：伊休疑是紅休，先謙曰：歆是紅休侯，此自其子疊別封伊休，宋說非。

嬀昌爲始睦侯，奉虞帝後。山遵爲襄謀子，奉皐陶後。伊玄爲襄衡子，奉伊尹後。漢後定安公劉嬰，位爲

賓。周後衛公姬黨更封爲章平公。亦爲賓。殷後宋公孔弘。運轉次移。〔補注〕先謙曰。言更封爲章昭侯。位

爲恪。

師古曰。恪。敬也。言待之加敬。亦如賓也。周以舜後并杞宋爲三恪也。

夏後遼西姁豐。封爲章功侯。亦爲恪。

服虔曰。姁。夏姓。

四代古宗。宗祀于明堂。曰

配皇始祖考虞帝。

〔補注〕劉奉世曰。四代以下十七字。其義不倫。莽方封先聖後。未當及此。且已有後文。此字當衍。

周公後褒魯子姬就。宣尼公後褒成子孔鈞。

已前定焉。莽又曰。予前在攝時。建郊宮。定祧廟。立社稷。

師古曰。遠祖曰祧。音吐堯反。

神祇報況。

師古曰。況。賜也。

或光自上復于下。

流爲烏。

師古曰。復。音扶目反。

或黃氣熏烝。昭耀章明。曰著黃虞之烈焉。

師古曰。烈。餘業反。自云承黃虞之後。〔補注〕先謙曰。官本注。反作也。

自黃帝至于濟

南伯王。而祖世氏。姓有五矣。

師古曰。濟南伯王。莽之高祖。〔補注〕周壽昌曰。莽自述爲楚項所封。濟北王田安之後。安失國。齊人謂之王家。因以爲氏。安孫遂字伯紀。處東平陵。實濟南之地。莽所稱濟南伯王。卽此人。因

其字伯紀。謂之伯王。郊祀志。合七十年而伯王出焉。史記注。伯王指秦始皇。伯譚曰。霸莽信符命。借此伯王以爲祥也。

黃帝二十五子。分賜厥姓。十有二氏。虞帝之先。受姓曰

姚。其在陶唐曰媯。在周曰陳。在齊曰田。在濟南曰王。予伏念皇初祖考黃帝。皇始祖考虞帝。曰宗祀于

明堂。

〔補注〕宋祁曰。南本云。皇姓始祖考。以當作已。

宜序於祖宗之親廟。其立祖廟五。親廟四。后夫人皆配食。郊祀黃帝。曰配天。黃

后呂配地。孟康曰：黃帝之后也。呂新都侯東弟爲大祿。歲時呂祀。師古曰：祿，祀也。立此大祠，常以歲時祀其先也。（補注）先謙曰：官本弟作第。家之所尙，種祀天

下。師古曰：言國已立大祿祠，先祖矣。其衆庶之家所尙者，各令傳祀勿絕。普天之下同其法。（補注）劉奉世曰：此謂葬家所尙之種祀，示令天下傳以爲種祠，不得不奉祀，亦猶漢高之粉榆社也。姚嬌陳田王氏凡五姓

者，皆黃虞苗裔，予之同族也。書不云乎：惇序九族。師古曰：虞書咎繇謨之辭也。惇，厚也。其令天下上此五姓名籍于秩宗，皆

呂爲宗室，世世復，無有所與。師古曰：復，音方。目反與。讀曰預。其元城王氏，勿令相嫁娶。師古曰：元城王氏，不得與四姓昏娶，以其同祖也。餘它王氏，則不禁焉。（補注）周壽昌曰

特別元城者，莽本娶王咸之女爲妻，以示他王氏得相嫁娶。且明已非婚同姓也。先謙曰：官本南監本注在理親焉下。呂別族理親焉，封陳崇爲統睦侯，奉胡王後。孟康曰：追王陳胡公。

豐爲世睦侯，奉敬王後。孟康曰：追王陳敬仲。天下牧守，皆呂前有翟義、趙明等，領州郡，懷忠孝，封牧爲男，守爲附城。

又封舊恩戴崇、金涉、箕閔、楊並等子，皆爲男。（補注）先謙曰：官本楊作陽，案此數人並見上卷，作陽是楊，傳寫誤也。遣騎都尉鄼等。師古曰：鄼，音許驕反。分治

黃帝園，位於上都橋時。師古曰：橋山之上，故曰橋時也。（補注）劉攽曰：都當作郡。先謙曰：橋山黃帝陵，見地理志上郡陽周下。虞帝於零陵九疑，胡王於淮陽，陳敬

王於齊臨淄，愍王於城陽莒。服虔曰：齊愍王。伯王於濟南東平陵，孺王於魏郡元城。師古曰：莽之高祖名遂，字伯紀，曾祖名賀，字翁孺，故謂之伯王。孺王。

使者四時致祠。其廟當作者。曰天下初定。且祫祭於明堂太廟。曰漢高廟爲文祖廟。

師古曰。欲法舜受終於文祖。

莽曰。

予之皇始祖考虞帝。受嬪于唐。

師古曰。嬪古禪字。

漢氏初祖唐帝。世有傳國之象。

師古曰。堯傳舜。漢傳莽。自以舜後。故言有傳國之象。

予復親受

金策於漢高皇帝之靈。惟思褒厚前代。何有忘時。漢氏祖宗有七。

蘇林曰。漢本祀祖宗有四。莽以元帝成帝平帝爲宗。故有七。〔補注〕先謙曰。官本祖宗作宗祖。

曰禮立廟于定安國。其園寢廟在京師者。勿罷。祠薦如故。予曰秋九月。親入漢氏高元成平之廟。諸劉

更屬籍京兆大尹。

〔補注〕先謙曰。易代之後。不隸於宗正。

勿解其復。各終厥身。

師古曰。復音方目反。

州牧數存問。勿令有侵冤。又曰。予前

在大麓。至于攝假。

師古曰。大麓者。謂爲大司馬宰衡時。妄引舜納于大麓。烈風雷雨不迷也。攝假。謂初爲攝皇帝。又爲假皇帝。

深惟漢氏三七之阨。赤德氣盡。思索廣求。

師古曰。索亦求也。音山客反。〔補注〕先謙曰。官本注。客作各。是南監本無注。

所曰輔劉延期之述。靡所不用。曰故作金刀之利。幾曰濟之。

師古曰。幾讀曰冀。

然

自孔子作春秋。曰爲後王法。至于哀之十四。而一代畢。協之於今。亦哀之十四也。

張晏曰。漢哀帝卽位六年。平帝五年。居攝三年。凡十

四年。赤世計盡。終不可強濟。皇天明威。黃德當興。隆顯大命。屬予曰天下。

師古曰。屬音之欲反。

今百姓咸言。皇天革漢

而立新。

師古曰：革改也。

廢劉而興王。夫劉之爲字，卯金刀也。正月剛卯，金刀之利，皆不得行。

服虔曰：剛卯，以正月卯日作佩之，長三尺，廣一寸，四

方，或用五，或用金，或用桃，著革帶佩之。今有五在者，銘其一面曰：正月剛卯金刀。莽所鑄之錢也。晉灼曰：剛卯長一寸，廣五分，四方，當中央，從穿作孔，以采絲貫其底，如冠纓頭，刻其上面，作兩行書文曰：正月剛卯。既央，靈及四方亦青白黃四色是當。帝令祝融以教夔龍，庶疫剛瘳，莫我敢當。其一銘曰：疾日嚴卯。帝令夔化，順爾固伏，化茲靈及。既正，既直，既醴，既方。庶疫剛瘳，莫我敢當。師古曰：今往往有土中得玉剛卯者。案大小及文服說是也。莽曰：劉字上有卯，下有金，旁又有刀，故禁剛卯及金刀也。〔補注〕沈欽韓曰：說文，殽改大剛卯也。以逐精鬼，瘳與瘳同。爾雅釋文：孫炎云：瘳，疫病也。續志以爲雙印。蓋剛卯佩兩也。長寸二分，方六分，乘輿諸侯王公侯以白玉，其下以黑犀象牙。周壽昌曰：吳志注：虞翻別傳云：古大篆，卯字讀當爲柳。古柳卯同字。裴松之謂翻言爲然。故劉、雷、卿、柳同用此字。以從聲故也。與日辰卯字字同音異。然漢書王莽傳：論卯金刀，故以日辰之卯。今未能詳正。據此，則裴雖主虞義，而亦未廢莽說也。先謙曰：官本注：三尺作三寸，用五有五，五並作玉。茸作葢，是吳氏大澂古玉圖攷有玉剛卯四文字相類，多減筆假借。文云：四月剛卯，央口四方，亦青白黃四色是當。帝命執成。〔借只爲執〕口口口口卯。庶疫剛瘳。〔借月爲疫〕莫我敢當。其四文不可識。吳云：所見玉剛卯從無三寸長一寸廣者，似以晉說爲長，顏是服不可解。

博謀卿士，僉曰：天人同應。

昭然著明，其去剛卯，莫曰爲佩。除刀錢，勿曰爲利，承順天心，快百姓意，乃更作小錢，徑六分，重一銖，文

曰小錢，直一，與前大錢五十者爲二品，並行，欲防民盜鑄，乃禁不得挾銅炭。是歲四月，徐鄉侯劉快結

黨數千人，起兵於其國。

師古曰：快，膠東恭王子也。而王子侯表作快，字從火，與此不同。疑表誤。〔補注〕宋祁曰：越本無是歲二字。韋昭云：徐鄉，東萊縣也。沈欽韓曰：一統志：徐鄉故城在登州府黃縣西南五十里。

快兄

殷故漢膠東王時改爲扶崇公快舉兵攻卽墨殷閉城門自繫獄吏民距快快敗走至長廣死

〔補注〕沈欽韓曰一

統志長廣故城在登州府萊陽縣東

莽曰昔予之祖濟南愍王困於燕寇自齊臨淄出保于莒宗人田單廣設奇謀獲殺燕

將復定齊國今卽墨士大夫復同心殄滅反虜予甚嘉其忠者憐其無辜其赦殷等非快之妻子它親

屬當坐者皆勿治弔問死傷賜亡者葬錢人五萬殷知大命深疾惡快呂故輒伏厥辜其滿殷國戶萬

地方百里又封符命臣十餘人莽曰古者設廬井八家一夫一婦田百畝什一而稅則國給民富而頌

聲作

師古曰給足也

此唐虞之道三代所遵行也秦爲無道厚賦稅呂自供奉罷民力呂極欲

師古曰罷讀曰疲

壞聖制

廢井田是呂兼并起貪鄙生強者規田呂千數弱者曾無立錫之居又置奴婢之市與牛馬同蘭

師古曰蘭

謂遮蘭之若牛馬蘭園也〔補注〕先謙曰蘭蘭借字

制於民臣顓斷其命姦虐之人因緣爲利至略賣人妻子

〔補注〕沈欽韓曰方言就室曰搜於道曰略略強取左襄四年

傳注不以道取曰略

逆天心諄人倫

師古曰諄亂也諄音布內反

繆於天地之性人爲貴之義

師古曰孝經稱孔子曰天地之性人爲貴故引之性生也

書曰予則奴戮

女。師古曰：夏書甘誓之辭也。奴戮，戮之以爲奴也。說書者以爲帑子也。戮及妻子，此說非也。秦誓云：囚奴正士，豈及子之謂乎？女讀曰汝。〔補注〕先謙曰：官本帑作孥。〔補注〕先謙曰：官本

舉作漢氏減輕田租三十而稅一，常有更賦，罷癯咸出。師古曰：更，音工衡。反罷音疲，癯音隆。而豪民侵陵，分田劫假，厥名三十

稅一，實什稅五也。師古曰：解重。在食貨志。父子夫婦終年耕芸。師古曰：芸，字與耘同。所得不足，自存。故富者犬馬餘菽粟，驕而

爲邪，貧者不厭糟糠，窮而爲姦。師古曰：厭，飽也。俱陷于辜，刑用不錯。師古曰：錯，置也。音干故反。〔補注〕宋祁曰：越本辜作辜。予前在大麓，始令

天下公田曰井。師古曰：計口而爲井田。時則有嘉禾之祥，遭反虜逆賊且止。今更名天下田曰王田，奴婢曰私屬，皆

不得賣買，其男口不盈八，而田過一井者，分餘田予九族鄰里鄉黨，故無田。今當受田者，如制度，敢有

非井田聖制，無法惑衆者，投諸四裔。呂禦魍魎。師古曰：魍，山神也。魎，老物精也。魍音螳，魎音媚。〔補注〕先謙曰：語本左文十八年傳，杜注：裔，邊也。如皇始祖考

虞帝故事。是時百姓便安，漢五銖錢，呂莽錢大小兩行，難知，又數變改不信，皆私呂五銖錢市買，譌言

大錢當罷，莫肯挾莽患之，復下書，諸挾五銖錢，言大錢當罷者，比非井田制，投四裔。〔補注〕先謙曰：非讀曰誅。於是農

商失業。食貨俱廢。民人至涕泣於市道。及坐賣買田宅奴婢。鑄錢。自諸侯卿大夫至于庶民。抵罪者不

可勝數。秋。遣五威將王奇等十二人。班符命四十二篇於天下。

〔補注〕齊召南曰。案五威將十二人。其將一人。各有帥五人。故下文云。五威將帥七十二人。還奏事

也。德祥五事。符命二十五。福應十二。凡四十二篇。其德祥言文宣之世。黃龍見於成紀。新都。

〔補注〕沈欽韓曰。文紀十

五年。黃龍見於成紀。宣紀黃龍元年。不言龍見。師古引漢注云。此年二月。黃龍見廣漢郡。地理志。廣漢郡有新都縣。則莽所指新都矣。成都府志。故城在今新都縣東二里。

高祖考王伯墓門梓柱生枝葉之

屬。

〔補注〕先謙曰。王伯當作伯王。

符命言井石金匱之屬。福應言雌雞化為雄之屬。其文爾雅依託。皆爲作說。

師古曰。爾雅近正也。謂近

於正經。依古義而爲之說。

大歸言莽當代漢有天下云。

〔補注〕王先慎曰。四十二篇書不傳。惟五行志中載自說德祥事云。初元四年。莽生之歲也。當漢九世火德之厄。而有此祥。興於高祖考之門。門爲開通梓猶子也。

言王氏當有賢子。開通祖統。起於柱石大臣之位。受命而王之符也。得此可見一斑。比附時事。歸美於己而已。

總而說之曰。帝王受命。必有德祥之符瑞。協成五命。申曰福

應。師古曰。五命。謂五行之次。相承曰受命也。申重也。

然後能立巍巍之功。傳于子孫。永享無窮之祚。故新室之興也。德祥發於漢三

七九世之後。

蘇林曰。二百一十歲。九天子也。〔補注〕何焯曰。孝惠孝文爲一世。哀平爲一世。蘇注謂九天子。非也。

肇命於新都。受瑞於黃支。

孟康曰。獻生犀。〔補注〕宋祁曰。注文孟康曰。下有黃支二字。